



TE TUSI FAILOTU I KAIGA

*Februari 2019*

## **KO TE FAKAOGAGA O TE TUSI FAILOTU I KAIGA**

A te tusi tenei ne fakatoka atu mai loto i te Ulu Ofisa a te Ekalesia Kelisiano Tuvalu mo fesoasoani ki te fakatokaga mo faiga Lotu i Kaiga mo Fakapotopotoga, e pela foki mo lotu ‘talo i Asotapu. E se konei fua a mataupu talosia; kae e tuku matala eiloa manafai e isi aka ne isi mataupu e mafaufaugina ke fakapitoa ki ei a te faiga talosaga mo tapuakiga.

## **KO TE FAKATOKAGA MO MATAUPU TALOSIA.**

Ke talosia ne tatou a mataupu konei i te agaga maluga mo te talitonu me i te Atua Tolu Tasi Tapu e fakalogologo mai ki manakoga o o’tou loto takitokotasi e auala i otou talosaga fai konei.

- Ke mafai o lavea kae fakamaoniga a te iai o fuataga o te pulepulega ‘lei io me ko te taupulega ‘lei i te fakatelega o te Malo.
- Ko takitaki o te Malo ke fai a olotou tulafono mo ikuga fai ki te mea tela e loto ki ei te Atua.
- Ko sui filifilia ki te Palamene ke mafai o ga’lue fakatasi mo te manuia o te Atufenua.
- Ke mafai o atagina kae fakatalitonugina i te Malo a te tonu o tena muna fakavae: **‘Tuvalu mo te Atua’**.
- Ke mafai o fakaasi i te olaga o aso takitasi i takitaki o te Malo a te olaga tautua e se gata mo tino o te Atufenua kae maise te Atua mo tena Ekalesia tapu.
- Ko takitaki o te Atufenua ke mafai o ola i te olaga amiotonu, ava kae matakū ki te Atua.

## **KO TE EKALEZIA KELISIANO TUVALU.**

- Ke tupu ola a te foitino lavea o Iesu Keliso (tela ko tena Ekalesia) i loto o te Atufenua.
- Ko Faifeau ke fakavae tonu a te galuega ki loto o te Atua, kae e se ko mea e ‘loto a latou ki ei.
- Ke mafai o tumau a te loto malosī mo te talitonu ki te Alikī te Atua mo ana fakamanuiaga ki a tatou i aso takitasi o te olaga.
- Ko Kelisiano katoa ke ola i te olaga talitonu mo te fakamoemoe ki te Alikī te Atua i mea katoa.
- Ko te Ekalesia ke folafola a te Tala ‘Lei o te Fakaolataga a te Atua ki tino katoa.
- Ke fakamalosi o fakataunu a te akoakoga o fanau i Fetuvalu e pela mo te fakamoemoe o te Ekalesia Kelisiano Tuvalu.

## **KE OLA TATOU I SE OLAGA OLA MO NISI.**

- Ke talo tatou mo nisi kola e fia ‘kai kae fia inu ki te Muna tonu o te Tala ‘Lei o te Fakaolataga a te Atua.

mo se fakatokaga manuia mo latou. Te vaega taua i konei ko te takutinoga a Paulo, se takutinoga e toe ‘fagu ei a loto fulitua mo loto fui talitonu o Kelisiano o Kolose. I konei foki ko laveagina ne tatou me ia Paulo te Apositolo ko taumafai o molimau atu ne ia te Atua Ola tela ne maua ne ia te ola fakafougina i tena olaga, ne fai ei a ia mo sotia iloga i tena fekau mo tena galuega. Se gata i konei, kae se takutonuga ki Kolose, me I te Atua se Atua e fakamaoni. E setioa ‘la te Apositolo ko Paulo o faka’na kae fakalagolago i te talitonu mot e fakamaoni, me e tali te Atua ki tulaga o tena fakatagi atu ‘mo Kolose.

Tenei foki te ata tela e tau ke ola kae solosolo ‘lei i manatu mo agaga o tatou, ko te loto o te fakatagi atu i te agaga o te talitonu me i te Atua e Ola kae tali mai ki tou fakatagi atu. Aua me i tou fakatagi atu ki te Atua ko te galuega o te talo akai tena ko fakatino ne tatou, ko tena uiga se galuega e fakaola ai niisi kola e manakogina ne latou te fesoasoani. Tela la, te galuega o te talo akai, se galuega fakaola, se galuega e fai ei koe mo gutu o latou kola e fia maua se fesoasoani. Ko tena uiga, e se maimau tau galuega e ala i te talo o akai atu ki te Atua.

ne te tagata, kola ko fai mo mea e galo ei te alofa o te Atua i loto mo mafaufau o te tagata ola. Tela la, te manakoga o te Atua ko tatou ke ola o tali atu ki tena alofa tauanoa, kae kalofa i te tagata mo ona taumafaiga, ne taumafaiga e vikia ei a tona igoa kae galo ei te alofa tuku fua o te Atua.

Tatou i te taeao tenei, e faigata i te tagata o fakamasani ki te alofa tauanoa tenei o te Atua, e faigata ona ko te loto se mautonu o te tagata, kae ko te fakamanatu o te taeao tenei, e sili ke ola taua o tumau atu taua ki tona alofa kae ka lagona foki ne tatou a te alofa e tali atu ei tatou ki tena alofa tumau. Tela la, e manakogina ke loto 'toa tatou o alofaatu kae fai te mea-tonu e atagia ei te alofa fakamatea o te Atua mo tatou. Aua me tenei te mea e manako ki ei te Atua, kae sili ke taofi a tou taumafaiga kola kafai mo fakalavelave i te mafutaga mafanarfana a tatou mot e tou Atua e alai a Iesu Keliso.

**Aso Sa:** 24/02/2019

**Tusi Faitau:** Kolose 1: 9-11

**Fuaiupu Filifilia; 9:** *“Tela la, mai i te taimi ne lagona ei ne maua a tala e uiga ki a koutou, ne seki gata e iloa te ‘ma ‘talo mo koutou, e fakatagi atu ei maua ke fakafou koutou i te iloa o te loto o te Atua, i poto katoa mo te iloa faka te Agaga.”*

**Ulu o te aso: “Ko te galuega o te talo akai.”**

Paulo ko taku atu ne ia ki Kelisiano i Kolose, te fakataua ia ia, te tulaga o te fakatagi atu ki te Atua, e uiga mo latou. Se fakatagi e pogai mai i te loto talitonu ki te Atua, se fakatagi e fakailoa atu ei ne ia ki Kolose me i te Atua se Atua e ola kae fakamaoni, kae ko tena fakamaoni e maua ei se ola

- Ke talo tatou mo tino puapuaga i te lalolagi, e penei mo tino konei:
- Tama'liki fakaa'lofa, fafine ko 'mate a olotou avaga, latou kola ko pokotia a olotou olaga ona ko taua, matagi malosia mo nisi fakalavelave tupu fakafuasei i te lalolagi.
- Ko tino ko seai ne mea'kai mo mea inu, kae ko seai foki ne fale e mafai o faka'malu ki ei, mo latou ei kola e faigata o maua ne fesoasoani ki te tausiga o te olaga.
- Ko tino se katoatoa 'lei a olotou foitino mo olotou mafaufau.
- Tino fakapuapuagatiagina ona ko pulepulega se 'lei.

#### **KO ASO FAKAMANATU I LOTO I TE ATUFENUA.**

- Kalena a te Ekalesia Kelisiano Tuvalu.
- Aso o te Malo.
- Aso o Fenua takitasi.

#### **KO FAKAPOTOPOTOGA A TE EKALESIA KAUFAKATASI.**

- CWM, WCC, WARC, PCC, WACC mo nisi Fakapotopotoga.

**ULU OTE MASINA FEPUALI 2019: “TE ALOFA OTE ATUA E SE MAFAI O FAKAMAVAEGINA.”**

**Ulu Ote Vaiaso: “KAFAI TE ATUA E MO TATOU, KOOI LA E MAFAI NE IA O TEKE TATOU?”**

**Aso Lima:** 01/02/19

**Tusi Faitau:** Loma 8: 31-39

**Fuaiupu Filifilia:** ff.32: “Ne seki taofi ne ia tena Tama mai i a tatou, kae ne tuku atu ke fai mo taulaga mo tatou! Ne tuku mai mo tatou tena tama, e a, e seki tuku mai ne ia a mea katoa mo tona loto fiafia?”

**Ulu ote Aso: “NE SEKI TAOFI TE ALOFA OTE ATUA MO TATOU.”**

Ite tusi ote taeao tenei, ko taumafai te tusitala o fakalaulau te alofa ote Atua e auala i tena taulaga tuku mai kite lalolagi. Fai mai, ne seki taofi te alofa ote Atua mo tatou, e tonu! Me ne tuku mo te agaga ote katoatoa, ne tuku mo te loto fiafia, aua ko te kilo alofa ote Atua mote lalolagi.

Kalofa i tagata Kelisiano ote vaiatau, ko fakafesilisili ne latou me kaia ko maua iai latou ne fakalavelave. Fai mai, *kafai te Atua e mo tatou, kae ko oi la e teke ki a tatou?* Ko lagona mo manatu o te se toka. Aua e fakalogo, kae se fai. E faipati, kae se tautali.

Te apositolo ite taeao tenei, ko toe fakamanatu ke iloa ne latou me ia Keliso Iesu kote taulaga alofa tena ate Atua mo te lalolagi. Ne tuku mai ne te Atua ke toe fakatoka ne ia vasia o tino, kae maise te vasia o te tagata kite Atua.

Fanau ate Atua ite taeao tenei, kote fakamanatu tena ate apositolo

tela ko tena mealofa 'mo te lalolagi 'katoa. I konei e lavea ei ne tatou te gutu ko molimau ne ia te loto ko malie, e ala i te fakatokaga o tena olaga e ala i te mealofa a te Atua ko Iesu Keliso, se fakatokaga e tela ko maua katoatoa ei ne ia te malosi, kae sili ei ko te filemu. E ui te faigata o te galuega talai ko feagai mo ia, kae ko manatu a Paulo o faka foki te vikiga ki te Atua e tusa ko tena fakatokaga ki tena ola kae maise ko te kalagina o ia i loto i tena fekau mo tena galuega. Tenei te filemu tela ne fakatoka ne te Atua e alai a Iesu Keliso, se filemu e viki ei te tagata ola o fakafetai, aua ko filemu te olaga ona ko Keliso.

Tatou i te taeao tenei, sea nei a tau fakalupega ki te filemu fakatoka a te Atua ki tou olaga ona ko Iesu Keliso? Me mata kai lagona a ka loa ne koe te filemu e ala i tena fakatokaga ia Iesu Keliso? Paulo ko fakafetai kae viki ki te Atua, e ala i tena mealofa ko Iesu Keliso ne maua ei ne ia te filemu mo te tokaga malie. E tau foki mo taua o viki e pela mo Paulo, aua te fakatokaga a te Atua e ala i a Iesu Keliso mo koe mo au, ne maua ei ne taua te filemu o tena manumalo.

**Aso Ono:** 23/02/2019

**Tusi Faitau:** 2 Tesalonia 2: 13- 17

**Fuaiupu Filifilia;** 15&16: “*Tela la e taina, 'tu mautakitaki kae taofi mau ki mea tonu kona ne akoako atu ne matou ki a koutou, i omotou lauga pela foki mo te motou tusi. 16; Ke aumai ne te tou Alike ko Iesu Keliso mo te Atua te tou Tamana, kola ne a 'lofa mai ki a tatou, a te loto malosi mo te fakamoemoega 'lei e se gata mai, e alatu i*

ne te tagata, kola ko fai mo mea e galo ei te alofa o te Atua i loto mo mafaufau o te tagata ola. Tela la, te manakoga o te Atua ko tatou ke ola o tali atu ki tena alofa tauanoa, kae kalofa i te tagata mo ona taumafaiga, ne taumafaiga e vikia ei a tona igoa kae galo ei te alofa tuku fua o te Atua.

Tatou i te taeao tenei, e faigata i te tagata o fakamasani ki te alofa tauanoa tenei o te Atua, e faigata ona ko te loto se mautonu o te tagata, kae ko te fakamanatu o te taeao tenei, e sili ke ola taua o tumau atu taua ki tona alofa kae ka lagona foki ne tatou a te alofa e tali atu ei tatou ki tena alofa tumau. Tela la, e manakogina ke loto ‘toa tatou o alofaatu kae fai te meatonu e atagia ei te alofa fakamatea o te Atua mo tatou. Aua me tenei te mea e manako ki ei te Atua, kae sili ke taofi a tou taumafaiga kola kafai mo fakalavelave i te mafutaga mafanarfana a tatou mot e tou Atua e alai a Iesu Keliso.

**Aso Sa:** 24/02/2019

**Tusi Faitau:** Kolose 1: 9-11

**Fuaiupu Filifilia; 9:** *“Tela la, mai i te taimi ne lagona ei ne maua a tala e uiga ki a koutou, ne seki gata e iloa te ‘ma ‘talo mo koutou, e fakatagi atu ei maua ke fakafou koutou i te iloa o te loto o te Atua, i poto katoa mo te iloa faka te Agaga.”*

**Ulu o te aso: “Ko te galuega o te talo akai.”**

Paulo ko taku atu ne ia ki Kelisiano i Kolose, te fakataua ia ia, te tulaga o te fakatagi atu ki te Atua, e uiga mo latou. Se fakatagi e pogai mai i te loto talitonu ki te Atua, se fakatagi e fakailoa atu ei ne ia ki Kolose me i te Atua se Atua e ola kae fakamaoni, kae ko tena fakamaoni e maua ei se ola mo se fakatokaga manuia mo latou

mo taua ite taeao tenei. Ke se galo ia taua me ite alofa o te Atua e seki taofi io me seki katoatoa tena tuku mai. Kae ne tuku mai neia tena Tama fagasele ko te mea ke maua ne taua te nofo fealofani mote ola fiaifa, manafai e tumau kae mautinoa ia taua te alofa tuku mai ate Atua mo tatou.

**Aso Ono:** 02/02/19

**Tusi Faitau:** Loma 8: 1-11

**Fuaiupu Filifilia:** ff.1&2: “E seai nei se fakasalaga mo tino kola ko ola fakatasi mo Keliso Iesu. Me ite tulafono o te Agaga tela ne aumai ne ia te ola i te sokotasi mo Keliso Iesu, kooti ne fakasaoloto ne ia au mai te tulafono o te agasala mote mate.”

**Ulu o te aso: “TE TINO E OLA ITE AGAGA .”**

Kafai se tino e mafaufau fua me ia ia e ola fua ite foitino kae seai se agaga, e talitonu te loto me se te manatu tena. Aua, kooti ne takutino i konei ne te apositolo i tena tusi kite Ekalesia i Loma, me ite tulafono o te Agaga tela ne aumai ne ia te ola i te sokotasi mo Keliso Iesu, kooti ne fakasaoloto ne ia a ia mai te tulafono o te agasala mote mate.

Konei a lagona ne oko ifo kite toaina tenei ko Paulo, aua e malamalama lei a ia i uiga mo mea e tupu i Loma. Se gata ko takitakiga ate malo Loma, kae pena foki ki olaga fakatuanaki o tagata Kelisiano i vaitau kona.

Fai mai ana muna, me tino kola e ola faka-te-foitino, e mafaufau foki faka-te-foitino. Ako tino kola e ola faka-te-Agaga, e mafaufau

foki faka-te-Agaga. I konei ko manino lei e iloa te faipatiga io me kote loto o te apositolo kite Ekalesia i Loma, aua e se taitai e iloa o fakavaivai te toeaina ko Paulo i tona tiute kote fakamanatu mote fakamalosi atu kia latou kola ko solomuli ite olaga talitonu kia Keliso Iesu.

Taina, tuagane ia Keliso, kote fekau tena mo taua ite taeao tenei. Ko taumafai te apositolo o fakailoa kae fakamanatu mai foki, me i tatou e ola ite Agaga ote Atua. Tela la, moa e galo ia taua te fakamanatu ote taeao tenei. Me kafai koe e ola faka-te-foitino, tona uiga koe foki e mafaufau faka-te-foitino. Tela la, sa ola faka-te-foitino, mafai kae tavini koe kite tulafono ote agasala.

**Aso Saa:** 03/02/19

**Tusi Faitau:** Mataio 5: 17-20

**Fuaiupu Filifilia:** ff.17: “Ke se manatu koutou i a au ne vau o ofa te Tulafono, io me ko pelofeta. Au ne seki vau o ofa kae o fakataunu fakalei.”

**Ulu ote Aso: “TE TULAFONO E ALA IA IESU KELISO”**

Ite natula ote tagata, e manako e iloa ke takitaki kae fakatonutonu aia ne te tulafono. Aua e isi se manatua io me kote mafaufauga e nofo mo latou me sili atu ke isi se tulafono e fakatakitaki kiei latou, i lo te tasi fai loa tino ite mea e manako a ia kiei.

Ko manatu mo lagona kona ne oko ki Falesaio mo Faiakoga ote tulafono. Aua e manatu latou me ia Keliso ne vau o ofa kae o se fakaaoga foki a tulafono kola kooti ne fakamoe ne olotou tua. Kola e fakatakitaki kiei te olotou olaga talitonuu kite Atua.

na ne taua, aua me i te alofa fakamagalo o Keliso i luga i te sataulo, se fakatokaga tena o se tokaga malie o tou olaga.

Ea taua i te taeao tenei, e mata e mafai o maua se tokaga o se olaga o se tino e ala i tou ola fakamagalo? E sili ke lagona ne taua o te alofa tauanoa o te Atua, ko te mea ke ola foki i a taua o fakasoa atu ki a latou kola e faifili mai ki a taua, kae ke maua ei ne taua te fakatokaga a te Atua e tokaga ei ta olaga. Toku Tamana, fakamagalo atu alatou, ke pena foki o lagi atu ne tau ate alofa tauanoa o Keliso, e tokaga ei te olaga.

**Aso Lima:** 22/02/2019

**Tusi Faitau:** 1 Timoteo 1: 12-20

**Fuaiupu Filifilia; 12:** “Au e fakafetai ki a Keliso Iesu te tou Aliko, me ko Ia ne tuku mai ne ia te malosi ki a au ‘mo taku galuega. Au e fakafetai ki a Ia ‘mo te fakaaoga ne ia a au, i te tofi ne ia a au o tavini ki a Ia.”

**Ulu o te aso: “E filemu te olaga i te mealofa a te Atua e ala i a Iesu Keliso.”**

Ko tepa te mafaufau o te apositolo ko Paulo ki te olaga ne olagina ne ia. Se kiloga ko matea ei ne ia te maimau o te olaga tela ne olagina ne ia. Te loto o Paulo ko ‘viki kae fakafetai ki te Atua, aua me i ona manatu me i te olaga ne saelegina ne ia se olaga filemu, kae tela la, se olaga fua e tela aumai ei ne ia te tiga mo te faigata ki ola o niisi. Paulo ko ‘kite a ona mata, kae fatoa iloa ei ne ia, te filemu o tena olaga e ala i te talai atu kae auauna atu ki te Keliso Toetu a te Atua e

tatou se fiafiaga fou e ala i tena fakatokaga.

**Aso Faa:** 21/02/2019

**Tusi Faitau:** Luka 23: 26- 42

**Fuaiupu Filifilia; 34:** “*Muna Iesu, “Toku Tamana, fakamagalo latou, me se iloa ne latou te lotou mea tenei e fai.”*”

**Ulu o te aso: “Ko te alofa tauanoa o Keliso e tokaga ei te olaga.”**

Tasi o fakamunaga lauiloa a te tou Fakaola ko Iesu Keliso i luga i te sataulo, i te taimi ko fakasatatulogina ai. Luka ko tau aumai ne ia te taua mo te aoga o te vaega tenei o tena tusitala, ko te mea ke mafai ne tagata faitau o lavea te alofa tauanoa o Iesu Keliso i te taimi ko puapuagatia ei a Ia. Ailoga e mafai ne se tagata ola, o talo ke fakamagalo a tona fili i taimi ko mafatia ei a ia? Ailoga foki e mafai ne se tagata o fakamagalo a se tino i taimi ko tagi tiga ei a ia ona ko te mae? Kae kalofa I tona siku leo alofa I luga I te sataulo I te taimi ko ‘mae ei a Ia, se iku leo e se mafaigina ne se tagata ola o fakalagi manafai ko oko ki se tulaga faigata penei. Ana muna, *Toku Tamana, fakamagalo atu latou...*” ko tafaga te alofa tenei, se alofa e tela ko se manako e iloa ke maua se kaitoa, kae ‘na se fakamagaloga. Te alofa ko fakaasi ne ia te katoatoa o te fakatokaga a te Atua, ke maua ei ne koe mo au te fakaolataga e ala i tena Tama ko Iesu Keliso. Se fakamagaloga e tela e tau ei o mo’momo a tou ‘alofa o tali atu, kae e se mafai foki ne tatou o faka katoatoa a tou tali atu, me i te alofa o te tagata, se alofa e fakatuakoia, kae ko te alofa o te Atua mo tatou se alofa e se fakatuakoigina. E tenei foki te ata e manakogina ke olagi-

Kae fai mai te ulu o te aso tenei, a *te tulafono e auala ia Iesu Keliso*. Ko fakamanatu i konei ne te tusitala o Mataio, me ite tulafono tela e masani o faipati saale kiei a Pelofeta ote Feagaiga Mua, kola foki e molimau kae tausi ne tino Iutaia i vaitau kona, e se katoatoa. Kae ko faka-katoatoa io me ko fakataunu fakalei ne te uga mai ne te Atua a tena Tama fagasele ko Iesu Keliso kite lalolagi tenei.

Fanau ate Atua ite taeao tenei, ko fakamanatu mai konei ne te tusitala me seai se isi tulafono e tau mo taua o akoako kiei. Kae e manakogina ke tautali kae tauloto foki a te tulafono tela ne vau ate tou Alike o fakataunu. Tela kote tulafono ote ola talitonu mote fakamaoni kite Atua Ola. Te Atua tela ne fakamafua ne ia koe mo au, ko iai foki kote Atua tela ne ofo o tuku mai tena fagasele e tokotasi, ke vau o fakataunu fakalei kae e se o ofa ate tulafono.

**ULU OTE VAIASO: “TUMAU KAE PIKIMAU KI TE ATUA”**

**Aso Gafua:** 04/02/19

**Tusi Faitau:** Ioane 15: 1-10

**Fuaiupu Filifilia:** ff.5: “Au kote vine, ka ko koutou ko kaula. Sose tino e nofo mau i a au, mo au i a Ia, ka fua malosai mai a ia; me se mafai ne koutou o fai se mea manafai e galo au ia koutou.”

**Ulu ote Aso: “KOTE VINE MO ONA KAULA”**

I te tala ote taeao tenei, ko taumafai te tusitala o fakatusa te Alike ko Iesu kite lakau kote vine. I taofiga ate kau sukesuke ote Tusi Tapu, te lakau tenei kote vine se tasi o lakau e lauiloa kae taua i tala fakasolopito ote Tusi Paia, mai te Feagaiga Mua ke oko foki e iloa kite Feagaiga Fou.

Ana muna, *Au kote vine, ka ko koutou ko kaula*. I konei ko taumafai te tusitala e fakaataata se ata e toe matea ei ne tino Kelisiano ote vaiatau, a galuega taumafai ate Aliko mo tino Kelisiano kola ko taumao mai ei. E fakamanatu foki i konei ne te Aliko, me se mafai ne latou o ola kae e aunoa mo Ia. Aua e se mafai ne se kaula ote vine o ola fua i a ia kae se piki kiluga ite foitino ote lakau.

Mai naunauga konei o te Aliko ko Iesu, ne taumafai i ei te tusitala o fakatuu se ata, puke ei neia te olaga ote tagata talitonu tela ko se piki mau ki tona matai. Ko fakamoemoe, kae fakalagolago ki tona iloa mo tona malamalama, kae galo i ei te alofa fakaola ote Atua mo tatou ana fanau.

Mo taua ite taeao tenei, kote fakamanatu foki tena a te evagalia mo tatou ite vaiatau tenei. Ke moa e puli ia taua o piki mau ta lima kite foitino vine, tela ko Keliso ko ia kote Vine. Moa foki e fakalagolago loa taua ki ta iloa mo ta malamalama, aua ko ia tena e fakasee neia ou manatu. E mafai foki o fakamasiasi ne ia koe i mata ote tokoukega. Tela la, piki mau kite Atua i tou olaga talitonu, aua me ko ia ka fakatautai neia koe i sose tiute tela kooti ne tofi kae kalagagina koe kiei. Koia foki e mafai o maua ne koe ate filemu mote tokaga malie o mea katoa e fai ne koe, kae maise kotou olaola lei mo tou tupu lausiusi iloto i tena fekau mo tena galuega.

**Aso Lua:** 05/02/19

**Tusi Faitau:** Galuega 4: 1-12

**Fuaiupu Filifilia:** ff.12: “E se maua te fakaolataga i sose tino, me

Te tokita ko Luka i te taeao tenei, ko fakalagi ne ia a lagona o te loto fiafia o te fafine mai i loto i te vaiatau, e taku atu a ana faka autiaga ki te manava tela ne fanau ne ia te Keliso a te Atua. Se fakalagiiga e mafua mai i te ofo o te loto mo te mafaufau I tulaga o fakaasiga mo folafolaga kola ne matea kae lagona ne ia ia Iesu. i ona manatu me sili atu te manava ne fanau ne ia, kae ne tali Iesu, “*Ikaai e sili atu te manuia o tino kola e faka’logo ki te muna a te Atua, kae tausi ki ei.*”

Iesu ko taumafai o taku atu ki te fafine kae maise kit e vaiatau, me ko ia te Muna a te Atua, e tela ka sili atu te manuia o se tino tela e fakalago kae talitonu ki a Ia. Tenei foki te Muna e tela e molimau-gina ne te evagalia ko Ioane, tela ne mafuta fakatasi mo te Atua i te kamataga. I konei ko lavea ne tatou me i te taumafaiga a Luka i te taeao tenei, ko te taumafaiga e takutonu atu ei ki te vaiatau me ko Iesu Keliso tela ko te Muna liutino a te Atua, tela ka aumai ne ia te manuia mo te fiafiaga fou ki te olaga o se tagata tela e talia kae fai ne ia te loto o te Atua e ala i tena Muna ko Iesu Keliso. Ko tena uiga e tenei e iloa te fiafiaga fou mo te manuia e tela ka maua ne se tagata, manafai fua e talia ne tatou a ana akoakoga kae fai foki ne tatou.

Mo tatou i te taeao tenei, a tatou e faka amutia manafai ko lavea ne tatou se kaiga, se tino ko togakamalie a tona ola ona ko ona maumea, i otou manatu me ko manuia a latou, i otou manatu me ko maua ne latou se fiafiaga matagofie, Kae fai muna Iesu, E sili atu te manuia e maua ne te tino tela e fakalago kae fai ne ia te loto o te Atua. E tenei te ti’na fiafiaga, e tenei foki te ti’na manuia tela e tau ke oko tatou ki ei, tela la, e sili ke talia ne tatou te Muna a te Atua ko Iesu Keliso, e sili ke fai ne tatou a tena finagalo, kae ka maua ne



Atua, se olaga e tela ka fanau mai ne ia te saogalemu mo te filemu o tino Kelisiano katoa i te mafutaga kau fakatasi a latou. Tena uiga, se fakamanatu ko te mea ke tumau latou ia Keliso, aua me ke galo Keliso i loto i olotou olaga pela foki mo te mafuataga a latou, tena uiga e seai se ola e mafai o maua ne latou. E seai se ola filemu em mafai o maua kae 'na ko te ola puapuagatia faeloa ka maua ne latou.

Tela la, te tagata e ola kae e seai se alofa ia ia, e fakatusagina me se tagata e ola kae galo Keliso i tena olaga, tela ka se mafai ei ne ia o ola saoloto, ola fiafia kae filemu, kae ka maua faeloa ne ia te olaga fita mot e faigata. Tenei tea ta o te tagata tela e ola kae galo te Keliso i tena olaga, e pela muna Paulo, *“kafai e mafai ne koe o faipati ki 'gana a tino kae seai se alofa, e pela fua koe me se atigi kaapa fakalogo....”* Tenei te fakatusa a Paulo manafai ko seai se alofa e ola i se tagata, ko takua a ia se atigi kaapa fakalogo, tena uiga se tagata e seai se ola e mafai o maua i ei. Tela la, e sili ke akoako te olaga ke iloa o alofa, e maua ei ne taua te alofa mo te ola e alai a Keliso. Ua me kafai e seai sou alofa, tena uiga e seai foki se ola e maua, ona me galo Keliso i tou olaga.

**Aso Tolu:** 20/02/2019

**Tusi Faitau:** Luka 11: 27- 28

**Fuaiupu Filifilia; 28:** *“Ka ko Iesu ne tali atu penei, “Ikai, e sili atu te manuia o tino kola e faka'logo ki te muna a te Atua, kae tausii ki ei.”*

**Ulu o te aso:** **“Te fiafiaga fou e maua fua ia Keliso Iesu.”**

seai aka foki se igoa i lalo o te lagi ne tuku mai ki tino ke maua i ei ne tatou a te ola.”

**Ulu ote Aso: “TE FAKAOLA E TOKOTASI”**

Ko pati toko, kae muna tonu ne Ioane mo Petelu a toeaina mo faiakoga ote tulafono, pela hoki mo takitaki maluga ote lotu Iutaia. Aua ko fakafesilisili ne latou me mai fea te la molimau mo te fakasaolotoga ke talai ne laua me ite tagata tela ne fakasataulo ne latou ko toetu mai te mate.

Kalofa i lagona mo manatu o toeaina mo takitaki ote lotu Iutaia. Ko seai se manatu ote loto maulalo io me talia akoakoga a apositolo ote vaitau. Ko fakalagolago kite lotou iloa mote olotou malamalama ite Atua. Kilokilo aka la kite mea ko tupu, ko pei tonu ate tali ote fesili e pela mote manakoga ote fesili. Aua me i sose fesili, e manakogina se talia tela e mafai ne ia o fakamalie te fesili.

Muna laua, E se maua te fakaolataga i sose tino, me seai aka foki se igoa i lalo o te lagi ne tuku mai ki tino ke maua i ei ne tatou a te ola. I konei ko takutino ne apositolo konei me e seai aka foki se isi igoa e mafai o maua iei te fakaolataga. Na ko Iesu fua, koia kote fakaola e tokotasi.

Taina, tuagane ia Keliso. Kote fakamalosi foki tena ate apositolo mo taua, kae koi ola taua ite olaga kausaki tenei. Moa taua e nofo mo manatu faka faiakoga ote tulafono, pela foki mo takitaki ote lotu Iutaia. Aua e fakasee fua neia tou olaga talitonu kite Aliko ko Iesu Keliso, tela ko ia kote fakaola loa e tokotasi. Seai aka foki se isi tagata e mafai ne koe o maua mai ei ate fakaolataga. Na ko ia fua tela ne fakatakavale ne ia te tugamau, kote mea ke maua ne tatou ate fa-

kaolataga e ala ite talitonu mote fakamaoni kiei.

**Aso Tolu:** 06/02/19

**Tusi Faitau:** Loma 8: 12-17

**Fuaiupu Filifilia:** ff.14: Ko latou kola e takitaki ne te Agaga o te Atua, ko tama kona a te Atua.”

**Ulu ote Aso: “ULUFALE KITE MALO OTE ATUA”**

Sose tino tela ko takua aia kote tama ate Atua, tela foki e takitaki foki ne te Agaga ote Atua, aia ko talia ke ulufale ki loto ite malo ote Atua. Kote kiloga tena ate apositolo ko Paulo kite olaga talitonu mote fakatuanaki o tagata Kelisiano i vaitau ote pulepulega ate malo Loma.

Fai mai ko kamata o matafitafi te olaga talitonu ote kau kelisiano i vaitau kona. Aua me moe kite pologa kae ala ki loimata. Ko fakatakiki ki pelu mo galuega mafa, ona ko tulaga o talitonuga. Tela ko kamata foki o solomuli ate olaga fakavae kite Atua,

Setioa la o lag ite pelofeta ki muna fakamalosi konei ko fai mo fai tou matua ite taeao tenei. Ite molimau ate pelofeta io me ko ana pati fakamalosi ki tagata ote vaitau, *me ko latou kola e takitaki ne te Agaga o te Atua, ko tama kona a te Atua.* Tela la, ko latou foki kona ko taku ko tama ate Atua io me talia ne latou te Atua, ko talia foki latou ke ulufale atu kite malo ote Atua.

Mo taua fakalogologo ite taeao tenei, kote fakaasiga tena ate apositolo mai luga loa i tena mulivaka, pela me se tautai apo. Aua e talitonu foki te toeaina ko Paulo me kafai e se poa aia, ailoga e maua

e ala i te toetu manumalo o Keliso, ko oti foki ne taliagina ne latou Keliso e ala i te papatisoga, kae kaia la e tumau ei latou ki uiga mo te natula faka te lalolagi, kae sili ke ‘sala atu latou, ki uiga mo mea faka te lagi, ona ko Keliso i tena malo faka Tupu.

Tela la, tatou i te taeao tenei, kooti ne talia ne tataou Keliso e ala ite papatisoga, kae kaia la koi ‘sala eiloa taua ki te lalolagi mo tena galiga, e sili ke ‘sala tatou ki te Keliso toetu i tena malo, e katoatoa ei taua i tena fakafouga, kae sili tena fakaolataga.

**Aso Lua:** 19/02/2019

**Tusi Faitau:** 1 Tesalonia 4: 1- 12

**Fuaiupu Filifilia; 9:** “*E se toe aoga a te tusi atu ki a koutou e uiga ki te alofa atu ki otou taina talitonu. Me ko oti eiloa ne akoako koutou ne te Atua ke iloa ne koutou o fakatau alofa.*”

**Ulu o te aso: “E se maua te Ola manafai e galo Keliso i tou Olaga.”**

Kafai e galo te alofa, tena uiga e galo foki te Atua i loto i te tino tena, kafai foki e seai se alofa e ola i se tagata, ko tena uiga, e seai foki ne uiga ‘lei e mafai o fakatino ne ia. Kae kafai la e seai eiloa ne uiga ‘lei ona me galo te alofa, e mafai pefea o maua se filemu mo se tokaga malie? Paulo ko toe fakamanatu ki Kelisiano i Tesalonia, ke taumafai o faka foliga te olaga tela ko oti ne akoakogina ai latou e uiga ki te ‘alofa atu kae fakasoa atu ki taina Kelisiano katoa i loto i te mafutaga faka Kelisiano i Tesalonia. Ko te fakamanatu ‘la a Paulo ko te mea ke iloa ne Tesalonia, te olaga e tela e fiafia ki ei te

*koutou mo Keliso, salasala ki mea kola i te lagi me i a Keliso e nofo i kona i te feitu taua.*”

**Ulu o te aso: “Ko te fakafouga a Keliso mo tatou.”**

Te Apositolo ko Paulo i tena tusi tenei ki Kolose, kae i tona vaega tenei ko filifiligina i te taeao tenei, ko faipati tonu ki tulaga o te Papisoga tela ka fakatakitaki ei te olaga o te tagata ke talia ne ia te mate mo te toetu manumalo o Iesu Keliso, ke oko ki te iloa kae malamalama foki te tagata, i te taua o te fai o te fingalo o te Atua, kae e se ko te toe fai a uiga kola e toe afaina ei te ola faka te agaga, mo te ola talitonu kae fakatuanaki o te tagata. Mai i te tulaga tenei, e tau ei mo te tagata o maina kae malamalama fakalei me i te papisoga o se tagata, se auala e fakafougina ei te olaga tavini mo te tapuaki o te tagata ki te Atua. Tena uiga, e tau o isi se tau kamataga o se fakatokaga koi tuai ei te tagata o maua ne ia te fakafouga a Keliso, tela ko te ola e se gata mai a tona tali. Tela la, Paulo i te vaega tenei, ko fakailoa atu ne ia ki Kelisiano i Kolose, ke mo a e toe fuli atu ke takitakiga ai latou ne malosia o te lalolagi, manafai ko iloa ne latou a te lotou fakaolagina e ala i te mate o Iesu Keliso. Te fakalavelave ko ala ei o tupu te olaga fulitua i Kolose, e mafua mai ona ko te olaga ko fakatakitakigina ne tulafono kola ko manatu ei Kolose me ka maua ei se ‘lei, kae tela la, e se maua ei ne latou o ‘teke atu manakoga agasala o te foitino. E setioa ‘la o fakamunagina ne Paulo I te taeao tenei, se fakamunaga e tela e toe ‘fagu fakamanatu atu ei ki Kolose, ana muna; “Tela la, kafai ko oti ne faka’tu ake fakatasi koutou mo Keliso, salasala ki mea kola e i te lagi me i a Keliso e nofo i kona i te feitu taua.” Ko tena uiga ko oti latou ne fakaolagina

se meaota mote kau kola e fakatalitali ma ite fale. Tela la, ne fakaaoga te kofe a te toeaina tenei, o toe fagai a loto mo agaga o tino kelisiano i vaitau kona. Tela la, e taua ke fai taua e pela mo tama a te Atua. E mafai ei ne taua o ulufale atu kite malo ote Atua. Me kafai ko ulufale atu taua kite malo te Atua, ko se toe mafai ei o toe maluelue te fakavae papa o tou fakatuanaki, ona takitaki taua ne te Agaga ote Atua.

**Aso Faa:** 07/02/19

**Tusi Faitau:** Loma 6: 1-14

**Fuaiupu Filifilia:** ff.5: “I te mea, kafai ko tasi tatou mo Ia ite mate e pela mo tona mate, ka tasi foki tatou mo Ia ite toetu e pela mo tena toetu.”

**Ulu ote Aso: “TUMAU KITE ATUA KE OLA KOE”**

Kafai e se tumau tatou kite Atua e mata e ola loa taua? Au e talitonu e tofu loa taua mo tah tali kiei. Kae kote tali ate apositolo ite taeao tenei, e matea ei ne taua me se mafai ne taua o maua te ola, mafai e se tumau taua kite Atua.

Mai te takele papa ote loto ote tusitala, ne mafua ei o tusitusi ne ia a pati konei ko fai mo fai tou matua. Ana muna; *kafai ko tasi tatou mo Ia ite mate e pela mo tona mate, ka tasi foki tatou mo Ia ite toetu e pela mo tena toetu.* Ko lagona kona ote loto mautinoa mote talitonu kite Atua. Aua, e lagona ne te apositolo a lagona kola ko oko ki tagata kelisiano ite vaitau tena. Ko kamata o galo Keliso mo tena tala lei. Ko kamata o foki te olaga kite olaga fakapaupau. Aua ko tulaga

ote olaga e olagina ne latou i vaitau kona.

Kalofa i naunauga ote tusitala, e taumafai kote mea ke tasi katoa latou ite vaevaega ote falaoa. Te uiga ote fakamatalaga mo e isi ne tino e fakavaivai te olaga talitonu, kae ke tumau kite Atua me maua iai ne latou te ola. Me koia fua ne mate kae ne toetu i aso e tolu.

Fanau ate Atua ite taeao tenei, ko fakamanatu mai ne te toeaina ko Paulo ke tumau taua kite Atua, aua e maua iai ne taua ate ola, tela kote ola e se gata mai. Tuku te olaga fakapaupau mote loto makeke. Kae fakalagolago kite Atua tela ne maua ei ne koe mo aua te ola e faavavau, e auala i tena fuatasi tela ne uga mai ke maua ne taua te ola, manafai taua e piki mau kia ia.

**Aso Lima:** 08/02/2019

**Tusi Faitau:** Galuega 26: 12-18

**Fuaiupu Filifilia: 14;** *“Ne ‘siga katoa matou ki lalo, lagona ei ne au a te leo e faipati mai ki a au I te ‘gana Epelu penei, Saulo! Saulo! Ai a e fakasaua mai ei koe ki a au? Se mea faka’mae foitino te aka ki mea makai’kai.”*

**Ulu o te aso: “Ko te Atua te Ola.”**

Te tusitala o Galuega i te taeao tenei, ko aumai ne ia te tala o te fuliga mo te kalagina o Saulo ne te Atua. I loto i te vaega o te tala e fakaaata mai ne ia ne vaega taua e lua, kola ka faka’mafa i te taeao tenei, muamua, ko te olaga fakasau’a o saulo ki tino o te Atua, lua, ko te tali alofa a te Atua ki te faigata mo te ‘mae o te fakasauaga a Saulo. Saulo i tena olaga tupu ake, se olaga e tela ko momona ia ia te ola fakasaunoa ki Kelisiano talitonu, se olaga ko fakavaegina ki te fakasaua mo te fakasanoa, kae ne lilo i ona manatu me ia ia e ko fa-

*toetu se mea ko leva ne tupu.”*

**Ulu o te aso: “Ko pagota a te Keliso.”**

I te fuaiupu e (17) Umenio mo Fileto ko te tokolua faiakoga kola ne tiakina ne laua te mea tonu. E se gata fua i te tiakina ne laua a te mea tonu, ka ko kosu foki ne laua te fakatuanakiga o nisi kelisiano. Se ata se gali kae mataga ne fakaasi ne tokolua tavini konei kola ne pagota a Keliso Iesu ona ko te fakasaua mai o tino e fai mo fili o te tala ‘lei. Kae nei ko fulitua ki te tala ‘lei, ko tiakina ne laua a te fakatuanaki. Umenio mo Fileto ne fai mo lagoon malosi o te tala ki a Iesu, ne takutaku foki ne laua a fuaiupu o te malo o te Atua, kae nei ko fai a la fakamatalaga mo mea ‘pala e kai ne latou a te foitino.

Ne tau atea a laua konei mai te munatonu a te Atua, ne gana foki ki faipatiga faka te lalolagi. E ui ei te fakamasaua mai ke taumafai o tuku atu a koe ki te Aliko e pela me se tino galue fakamaoni, kae ko tokolua la konei ko fulitua loa. Ona ko te ata se gali ne aumai ne tavini konei. Te agaga o te faka afiafi tenei e manatu penei. Kafai taua ne tavini i te olaga i taimi tenei, te fakamoemoega maluga ke se tiakinagina a te fakatuanakiga o tatou i se taimi pili mai io me ke solo vaitau fua. E gali ma tumau kae mautakitaki taua i ta tulaga e fai ei taua mo pagota a te Keliso ko Iesu.

**Ulu o te Vaiaso: “KELISO KO TE OLA O TATOU.”**

Aso Gafua: 18/02/2019

**Tusi Faitau:** Kolose 3: 1-4

**Fuaiupu Filifilia; 1:** *“Tela la, kafai ko oti ne faka’tu ake fakatasi*

si muamua tenei a Paulo ne tusi i vaitaimi tonu o te takitakige ‘se ona ko molimau a tino. Paulo ki tena tama faka te agaga ko Timoteo, e fakaasi atu ei ne ia a te tonuga o fakamatalaga tau te lotu, me ko te avaga o te tino ka kosu ei te tala ‘lei io me ko te kai ki nisi meakai ka nofo sala ei taua, ikai!

Te tala ‘lei tonu io me ko te tulafono sao e maua ne tatou i ‘tou iloa tonu i te muna a te Atua. Te apositolo ko Paulo ko tala maea ki tena tama tulaga tonu o te tala ‘lei. Ana muna, a tino kona e akoako ne latou, me se mea ‘se te avaga o te tino, pela foki te kai ki nisi meakai. Ka ko te Atua ne fai ne ia meakai konei ke kai ne tino kelisiano kola ko iloa ne latou te munatonu, manafai ko oti te lotou talo fakafetai. Te avaga o te tino e pela foki mo te kai ki nisi o meakai kola e fai mai a tino me tapu, e se ko te maseiga tena o te talitonuga. Kae masei te talitonuga manafai ko se amanaiagina ne tatou a galuega fai a te Atua i te fai ne ia ke kai tatou kelisiano ki meakai kola ko oti ne faka’magina.

Ona ko te uke o talaiga mo tulafono valevale o te vaitau nei, tatou e tau o fuafua tau ne tatou me ko galuega a te Atua konei io me ko galuega a Satani.

**Aso Sa:** 17/ 02/2019

**Tusi Faitau:** 2 Timoteo 2:14-18

**Fuaiupu Filifilia: 18;** *“Kola ne tiaki ne laua a te mea tonu, ka ko kosu ne latou te fakatuanaki o nisi kelisiano i a la muna pela, i te*

kasauagina ki te Atua mo tena alofa. I te vaega fakaoti o te fuaiupu filifilia, e lavea ne tatou me i te fakasaunoaga a Saulo ko oko eiloa te ‘mae kae ko fakatusagina ki se ‘mae o se mea makaikai. I konei ko lavea ne tatou me ko oko ki se ‘mae e tela ko se mafai o toe kufakigina, tena uiga ko ‘mae te Atua ona ko uiga fai o Saulo kola ko momona ki tona olaga tupu ake. Kae ne seki mafai ne te Atua i tona ‘mana o tau i atu ki a Saulo i se ‘mae tela e se mafai o fakamatalagina ne se tagata ola, kae ne taumafai te Atua o tau i atu ki a Saulo e ala i tena alofa fakaola, ko te mea ke maua ne Saulo te ola, kae se ko te mate. Se tauiga a te Atua e tela ne fakatoka ei ne ia se ola fou mo Saulo, ke oko ki ona tino talitonu katoa. I te kamataga o te fuaiupu filifilia, fai mai, ne ‘siga katoa matou ki lalo... tena uiga ko fakaasi mai me i te ‘siga ki lalo ko te kamataga tena o vae fou i te ola Ia Keliso.

Ko Saulo i te taeao tenei, kae ko te fekau ‘fagu foki tena mo tatou i te taeao tenei, te olaga e olagina ne tatou e uke a uiga faka Saulo e olagina ne tatou, e uke foki a lagona faka Saulo e lagona ne tatou kola e taumafai ei tatou o fakasaunoa a niisi e ala i lagona fia tautua i loto i tena fekau mo tena galuega. Kae mai uiga konei, e se mafai eiloa ne te tagata ola o fakaseai, kae ‘na ko te tuku atu ki te Atua ke fakatoka ne ia e ala i tena alofa fakaola, kae ka iloa ei ne koe mo au o fakatino atu a galuega fakaola ki niisi, aua me i te Atua ko te ola tena mo tatou i te olaga tenei.

**Aso Ono:** 09/02/2019

**Tusi faitau:** Ioane 4: 43- 54

**Fuaiupu Filifilia; 50:** *“Ne fai atu a Iesu ki a ia, Vau o fano, ka ola tau tama! Ne talitonu ki te muna a Iesu, fano eiloa.”*

**Ulu o te aso:** **“Faka’lafi ki limaalofa o te Atua.”**

Te Ofisa e tokotasi ko fakatagi ki a Iesu e uiga ‘mo tena tama. Kae ko te fesili, se Ofisa mai fea? Kae se Ofisa foki e galue mooi? Fesili ko faka fesiligina i te taeao tenei, ko te mea ke mafai o lavea ne tatou te tulaga ne oko ki te Ofisa tenei ‘mo tena manakoga. Aua me kafai se Ofisa e tokotasi o te malo o Loma, ko tena uiga e fakaofofogia ki te mafai ne ia o faka fesagai atu ki a Iesu mo tona manakoga, aua me i te malo o Loma, ‘na ko te tapuaki atu ki te Emepeloa o latou kae se mo se isi ake. Tela la, i konei e mafai foki ei o lavea ne tatou te malosio o te fakatuanaki o te Ofisa tenei, aua me ko se faka taua ia ia tulafono o te malo o Loma kae ko Iesu mo tena fakaolataga. I niisi fakamunaga, kaati se taumate ko ‘pau fua i te Ofisa tenei te ola mo te mate, kae sili ko te ola o tena tama. Te muna a Iesu i te fuaiupu e 49, fai mai; “E seai eiloa se tino ia koutou e talitonu seiloga ke matea ne koutou vavega mo mea fakaofofogina.” I konei, Iesu ko tau agai atu ki te manakoga o te Ofisa, fia iloa kae fakamautinoa tonu ne ia te tulaga o te fakatuanaki o te Ofisa, kae ne lavea ne Ia me i te manakoga o te Ofisa se manakoga ko tuku katoatoa atu ki ona lima ‘mo se fakaolataga ki tena tama. Tela la, ne seki faka’lafi te Ofisa ki te malosio o te Emepeloa o Loma ‘mo se fesoasoani, kae ne lafi ki alofilima fakaola o Iesu, kae ne molimau mata ne ia te alofa fakaasi o te Keliso, tela ne tali ei ne ia te agaga o te fiafia e ala i te fakatokaga a Iesu.

Atua i te fenua filifilia, ne uga ei ne faka nofo ei ne ia Timoteo i te motu ko Efeso mo te fakamoemoega maluga ke talai atu a te olaga manuia tela e maua mai te Atua.

Ne se gata te tafe o te malosio o te tala ‘lei ki fenua katoa, ne oko mai foki ki Tuvalu o fakatoka a tulaga se tonu o tuu mo aganu kola ne faifai sale i taimi o te pouli. Fakamalo ki tua o tatou kola ne sapo a te talaiga tenei kae ko latou foki kona ne tautua fakamaoni ona ko te ola ne tuku mai. Te fesili la, ‘E mata koi kopi ne koe mo au taa iloga tela e fakamuna pela, “Tuvalu mo te Atua,” io me ikai? Te uiga o ‘tou iloga ko tau tautua e Tuvalu mo te Atua, nei ke oko ki te oti.

**Aso Ono:** 16/02/2019

**Tusi Faitau:** 1 Timoteo 4: 1- 5

**Fuaiupu filifilia 3,** *“A tino kona e akoako ne latou, me se mea ‘se te avaga o te tino, pela foki te kai ki nisi meakai. Ka ko te Atua ne fai ne ia meakai konei ke kai ne tino kelisiano kola ko iloa ne latou te munatonu, manafai ko oti te lotou talo fakafetai.”*

**Ulu o te aso:** **“Ko galuega a te Atua mo galuega a Satani.”**

Te mataupu tenei i muu fuaiupu konei ko fai mo tusi faitau, ko muna fakamasaua e uiga mo faiakoga ‘loi kola ka faitogafiti ne latou a tino talitonu. I te fuaiupu filifilia o te faka afiafi tenei e lavea ei a te kese o te folafolaga a te Atua mai tino. Te fuaiupu ne gana ki ei te tusi tala e fakamasaua ei ne ia ki a Timoteo tela e nofo i Efeso ke ‘tu mo te mea tonu aua talitonuga ‘se e talai foki i vaitaimi kona. Te tu-

omsei tela e fakavae mai i te natula numela tasi o te tagata ko te loto masei mo te fakamsei tino. Kae sili ke ola te alofa mo te fakatuanaki ki te Atua, kae ka maua ne tatou se fakatokaga gali kae matagofie ki tou olaga, e ala i tena alofa fakaasi mo tatou.

**Aso Lima:** 15/02/2019

**Tusi Faitau:** 1 Timoteo 1:1-12

**Fuaiupu Filifilia: 11;** *“Tena te akoakoga e maua i te tala ‘lei ne tuku mai ki a au ke folafola atu ne au, ko te tala ‘lei o te malu o te Atua manuia.”*

**Ulu o te aso:** **“Tatou ne fakaolagina ke tautua atu mo ia.”**

Ona ko te fai valevale o te olaga i luga i Efeso, ne tusi ei ne Paulo a tena tusi tenei. Te apositolo ne fakamalosi ne ia Timoteo i tena tusi tenei ke mafai o talai atu a te tonuga ona ko te tala o Iesu Keliso. ko tau mo koe o fakagata a talaiga ‘se konei e fakamafua ne latou te olaga fai valevale. Mo te pogai e iloa tena ne tuku atu ei te akoakoga tela e maua i te tala ‘lei ki a Timoteo ke folafola atu ei a te malu o te Atua manuia.

Ne mailoga te tala ‘lei me e fakatoka ne ia fakalavelave tupu e pela mo kinauga, fina lalolagi, tatino, kaisoa mo nisi fakalavelave aka foki. Ko te talaiga tela ne fakatoka ki ei a te olaga nofo agasala o tino Efeso, kae se talaiga foki tela ne folafola ei te malu o te Atua manuia. Mai te loto finaunau o Paulo ke se gata fua te manuia o te

Kae a taua i te taeao tenei, e tefea nei te ko’ga vasa e lafi saale ki ei a koe i taimi e loulou’a ei te olaga? E mata e tefea te koga ko fakatuaga koe ki ei e fakalafi ei koe i taimi o masakiiga mo fuifaiga o te olaga nei? Te Ofia Loma ne seki lafi ki te malo o Loma ke fakaolagina a tena tama, ne seki lafi ki te malosi o te Emepeloa o Loma ke fai se fakatokaga mo tena tama, kae ne lafi ki alofilima alofa o Iesu Keliso, kae ne maua ei ne ia te tali fakafiafia. Faka’lafi ki limaalofa o te Atua, e tokaga ei koe mo tou kaiga i te tausaga fou tenei.

**Aso Saa:** 10/02/2019

**Tusi Faitau:** Filipi 3: 12- 21

**Fuaiupu Filifilia; 20:** *“A tatou ko tino o te lagi, kae mai te lagi e vau ei a te fakaola tela e fakatalitali tatou ki ei, ko te Alike ko Iesu Keliso.”*

**Ulu o te aso:** **“Tatou ko takua ne tino o te lagi ona ko Keliso Iesu.”**

Te apositolo ko Paulo ko fakamalosi atu ki Kelisiano i Filipi ona ko te malosi o te poto tela ko taumafai o fuli kae faite ne akoakoga fou kola ko fakamafua ei te ola ‘teke atu o latou ki te mate mo te sataulo o Keliso. Ko te vaega ‘la ko faka’mafagina ne Paulo i konei me ia tatou kooti ne takuagina ko tama fanau o te lagi e ala i te mate mo te sataulo o Keliso toetu. Se fakamalosiga ko te mea ke toe iloa ne Kelisiano i Filipi a te taua mo te aoga o te mate mo te sataulo o Keliso mo latou, kae ke ola ia latou te agaga o te talitonu mo te fakatuanaki, e faka katoatoa ei te ola ia Keliso Iesu i tena malo faka te

lagi. Se tulaga e faigata i Filipi ona ko te lasi o te poto tela ko aumai ne ia te ola ‘teke atu ki te sataulo mo te mate o Iesu Keliso, tela ko fai mo ‘numiga ki manatu o Kelisiano talitonu i Filipi.

E tenei foki te poto tela ko lausa i ona vaitau nei i luga i tou atufenua, tela ko fai mo fakalavelave ki manatu mo lagona o tino, ko muna ake ei, tenei te sataulo tonu tela ka faite ei te ola fulitua o tatou ki te Iesu tela ne fakavaegina ki ei te ola faka te Agaga o te atufenua. E sili ke mo a e fakatuaga tatou ki poto konei, kae sili ke faka foki te kiloga ki te sataulo o Keliso tela ne ofa ne ia te pouliga i luga io tou laufenua, kae mo a e fuli atu fua ei tatou ki te Aliko ko Iesu Keliso mo tena sataulo alofa. Tatou ko leva ne taku ko tama fanau o te lagi e ala i te sataulo o Keliso Iesu, tela la, e sili ke tumau tatou, aua me vau taimi o tena malo mai te lagi, kae ko taua e tumau kae nofo mau i te mafutaga o tama o te lagi a te Atua Tolu Tasi Tapu e ala i tena Tama ko Iesu Keliso.

**Ulu o te Vaiaso: “Ko te mafutaga o te se soko tasi mo Keliso.”**

**Aso Gafua:** 11/02/2019

**Tusi Faitau:** Filipi: 2: 1-11

**Fuaiupu Filifilia; 3:** *“Sa fai ne koutou ne mea e fakavae i luga i manatu fakapito ‘mo te ‘lei o te tino, io me i luga i te fakamatamata, kae ke fakatau loto malalo koutou, ke mo a foki e manatu ake koutou me ‘lei atu koutou i niisi tino.”*

**Ulu o te aso: “Ko te manatu fakapito, fakamatamata, ko te natula o te tagata.”**

Te Apositolo ko Paulo, ko taumafai o tusi atu ki te Ekalesia i Filipi,

**Tusi Faitau:** 1 Tesalonia 2: 1-16

**Fuaiupu Filifilia: 16:** *“Ne taumafai foki latou o fakagata te motou talai atu ki tino o fenua fakatea, a te talaiga tela e maua ei ne latou a te fakaolataga. Tenei eiloa a te agasala tafa maluga e fai faeloa ne latou. Ko maluga i a latou katoa a te fakasalaga a te Atua.”*

**Ulu o te aso: “Ko agasala a te tagata.”**

Te natula o te tagata ko te fiafia o fai ne ia a mea e taku agasalagina ei a ia. E tenei te unifomu e fiafia ki ei te tagata ke mo a e ave keatea mai i tona olaga, kae e manako faeloa a te tagata ke pei faeloa ne ia I tena olaga ‘katoa. Te laumua ko Tesalonia ki te itu malo o Loma ko Maketonia, ko kamata o makosukosu ona ko tino Iutaia kola ko lotomasei ki a Paulo ona ko te teletele ‘lei o ana galuega talai, ko taumafai o fakaseaga ne latou a akoakoga a Paulo. Mai i te kaisanosano o latou, ne seki mafai ei ne latou o taofiofi a olotou lotomasei, kae na ko te tuli fua o Paulo keatea. Ko tena uiga se lotomasei tela ko se amanaia ei ne latou te taua o akoakoga a Paulo ki niisi kola e manakogina ne latou a akoakoga konei. Niisi fakamanuiaga, ko afuli keatea ne latou a te manuia mai i te lotou fenua. E ui te fakalavelave ko agai mo Paulo, kae ne seki foki te loto o Paulo e ala i tena toe fagu atu kae fakamasaua atu ki Kelisiano i Tesalonia, ke tumau o ola i te olaga tela kooti ne taku atu ki a latou, tela ko te alofa kae fakatuanaki ki te Atua.

Ko Paulo ki Tesalonia i te taeao tenei, kae ko Paulo foki ki a tatou i te taeao tenei, e sili ke ave keatea ne tatou te lotomasei tela e kosu ei ne tatou te mafutaga mo te Atua e ala i tena tala lei, aua me ko te lotomasei e aumai ne ia te ala ki te fai agasala o te tagata, te lot-



### **Ulu o te aso: “Te ‘se taua o te tulafono mo te taua o Keliso.”**

Paulo ko takutonu ne ia ki Kelisiano i Filipi a te taua o te mea ko maua ne ia, kae mai i te taua o te mea tenei, ko fai ei mo mea e fakapuli katoa ei ne ia a mea katoa. Se itulau fou ki te olaga o Paulo, e ui tena fuliga i te ala i Tamaseko, kae ko silia atu te taua ki a ia te mea ko maua ne ia. Paulo se tagata ne tauloto ne ia te tulafono, kae ne fai te tulafono mo mea ne ola ei te olaga ‘teke atu o ia ki Kelisiano talitonu katoa, kae nei ko fai te tulafono mo mea e fai fili ki ei a Paulo ona ko Keliso. Paulo mo ana akoakoga, ko fai mo mea e ti’ga ei a tona loto mo tena mafaufau, ona ko te ‘teke mai o niisi taina ki a ia mo ana akoakoga. Te mafuaga o te teke tenei, e mafua mai i te taumafaiga a latou o ‘liu a akoakoga a Paulo ke talafeagai mo te tulafono, e setioa la Paulo o taku atu kae fakapatonu atu ki Kelisiano i Filipi te taua o te Keliso tela ko maua ne ia i lo te tulafono mo mea katoa. Aua me ko Keliso e maua ei te fakaolataga, kae se ko te tulafono mo ana takitakiga.

Tatou i te taeao tenei, e uke a ponotiaga kola ko aumai ne tatou e fai ei mo fakalavelave ki te olo atu o tatou ki te Keliso Toetu a te Atua ko Iesu Keliso. Ne ponotiaga kola ko muna ake ei tatou me sili atu a olotou taua ilo te Keliso, muna Paulo i te taeao tenei, ko se aoga katoa a mea ki au me ko maua ne au te mea sili i te taua ko Iesu Keliso. Tena uiga e sili ke fakapuli ia tatou a ponotiaga konei, kae sili ke maua muamua ne tatou te taua o Keliso ki tou olaga, kae ka maua ne tatou se taeao fou i tena fakatokaga.

\

**Aso Fa:** 14/02/2019

e tala atu ei ne ia te taua o te olaga soko tasi mo Keliso, ki tino i Filipi ko te mea ke iloa ne latou me i te ola i te soko tasi mo Keliso, se mealofa tauanoa a te Atua ‘mo latou. Ko tena fakamasauaga ‘la, e fakasaga tonu e iloa ki te ola ‘teke atu o tino ki uiga fakamaualuga mo te manatu fakapito, me ia latou e sili atu i ‘lo niisi. E ui e iloa te vai tau ne tusi ei a Paulo ki Filipi kae ko ia e pei i te falepuipui, ne seki fai mo mea e fakavaivai ei a tona loto, kae ne fakataua ne Paulo ko te mea ke oko a te fekau ki Filipi, kae ke ola foki ne tino Filipi a te lagona mo te agaga o tena tusi. Tela la, Paulo ko faka’mafa ne ia te vaega ki te loto maulalo mo te sili o Keliso, kae ko te fesili la, e pefea la i te tagata o sili kae manumalo ia Keliso manafai a tena natula ko te lakei a tona olaga ki faiva o te fakapito mo te fakamaualuga? E mafai foki pefea i te tagata o loto maulalo, manafai te tagata ko suamalie ia ia te olaga fiasili mo te fakamatamata? Konei a kina-ga tauave o te loto mot e olaga o te tagata ola, kola ko fakatuaga a tena olaga ki ei, e fai ei mo faigataaga o te talia ke ola ne ia te loto maulalo.

E tenei te olaga tela ko fakavae ki ei te olaga ‘teke atu o niisi o Kelisiano ki a Paulo mo ana talaiga, aua me ko kamata te olaga fakatuaga kit e fiasili mot e fakamatamata, muna Paulo i te vaega o te fuaiupu e 2; *...au e taumafai malosi atu ki a koutou, ke faka katoatoa ne koutou toku fiafia i te tasi o te otou manatu, i te tasi o te otou alofa, i te tasi o otou agaga mot e mafaufau.*” Paulo ko taumafai o fakatumau a tena fakamatamata, e ala i te toe fagu atuga o loto mo mafaufau o Kelisiano i Filipi, aua me kooti ne iloa tonu ne ia te filemu mo te tokaga malie e ala i te soko tasi mo Keliso.

E tena foki te fekau fakamanatu mo tatou i te taeao tenei, ko Paulo ki te Ekalesia i Filipi, ko Paulo ki a tatou i te taeao tenei, kafai e faigata o akoako te olaga ke iloa o ola i te loto maulalo, e sili ke akoako, ko te mea ke masani te foitino kae sili te loto mo te mafaufau, kae filemu ei te olaga. Tena uiga toese a Koliata kola ko uiga masani o te olaga e fai ei mo fakalavelave ki tou ola fia tuku atu e ala i te loto maulalo mot e fakamaoni.

**Aso Lua:** 12/02/2019

**Tusi Faitau:** Kenese 7: 1- 24

**Fuaiupu Filifilia: 1:** *“Muna a te Aliko ki a Noa. “Olo ki loto i te vaka mo tou kqaiga katoa, ko iloa ne au me ko koe fua tokotasi i te lalolagi ‘katoa e amiotonu.”*

**Ulu o te aso:** **“Ne kosu ne te tagata te la vasia mo te Atua.”**

Te amiotonu ko tataomakigina ne te soli tulafono mo te ola fulitua o te lalolagi, te lalolagi ko lakei ki uiga masei mo te se ‘lei. Te olaga ko takitakigina ne uiga se ‘lei, tena uiga te tagata ko ola i ona kalafaga masani tela ko te ola ‘teke atu ki te Atua Ola, tela ne faite ne ia a mea katoa i te lagi mot e lalolagi ki tona ‘mana fai tokotasi. Te Kenese o te taeao tenei, ko aumai ne ia te fakatokaga a te Atua ki a Noa mo tena kaiga, se fakatokaga e mafua mai i te tumau atu o Noa ki te Atua e ala i tena fakalogo mo tena usitai, nei ko maua ne ia mo tena kaiga a te tau i mo sui o tena fakalogo mo tena amiotonu. Muna te Aliko, Olo ki loto i te vaka mo tou kaiga katoa, se fakamunaga e fakaasi mai ei mei te Atua ko taku atu a tena fakatonuga e fai

ei mo tau i ki se tagata e tela ne tumau atu ki a Ia. I niisi fakamunaga, ko te fakatokaga alofa a te Atua i te mafutaga sokotasi mo tena tavini ko Noa. Se ata e aumai ei me ka fakamavae ne te Atua a tena alofa ki te tagata ola, aua me koti ne kosu ne ia te vasia ‘nofo o ia mo te Atua. Te olaga o te tagata ko te ola fiafia ki te olaga mavae’vae o ia mo te Atua, ona ko te gali mo te logotonu o te ola fulitua ki te Atua.

Te taeao tenei, e tenei foki te masauaga mo tatou, ke manatua ia tatou me i te alofa tumau o te Atua mo tatou, e tumau ki te se gata mai, kae ko tatou e iloa e kosu ne tatou te vasia o tatou mo te Atua. Tena uiga, te tagata e tumau ki te Atua e ala i te amiotonu mo te fakatuanakai, e maua ne ia te ata o Noa, tela ka fakatonugina a tena olaga mo tena kaiga ne te Atua ke olo ki loto i se fakatokaga fou tela ka maua ei ne latou te ola fou ia Keliso.

**Aso Tolu:** 13/02/2019

**Tusi Faitau:** Filipi 3: 1- 10

**Fuaiupu Filifilia: 8&9:** *“E se gata fua i mea kona, ko taku ne au a mea katoa me ne mea se aoga, ona ko te mea e isi se mea e sili atu tona aoga, tela ko toku iloa ‘lei o Keliso Iesu tela ko toku Aliko. Ko tiaki ne au a mea katoa ona ko ia, ko taku ne au a mea katoa kona ne kaiga ko se atafaia i te elo, ko te mea ke maua ne au a Keliso. 9; ke katoatoa toku ‘soko tasi mo ia. A te amiotonu tela e fakavae i te Tulafono, ko seai nei i a au. Kae nei ko maua ne au a te amiotonu tela ne tuku mai e alatu i te fakatuanaki ki a Keliso, ko te amiotonu e aumai mai te Atua, kae fakavae i luga i te fakatuanaki.”*